

**ORDENANZA FISCAL Nº 15 REGULADORA DA TAXA POR OCUPACIÓN E USO
DO MERCADO MUNICIPAL DE ABASTOS****ARTIGO 1º.—FUNDAMENTO E RÉXIME**

No uso das facultades concedidas polos artigos 133.2 e 142 da Constitución, polo artigo 106 da Lei 7/1985, do 2 de abril, reguladora das bases do réxime local, e os artigos 20 e 57 do Texto Refundido da Lei Reguladora das Facendas Locais aprobado polo Real Decreto Lexislativo 2/2004, de 5 de marzo, este Concello establece a taxa por Ocupación e Uso do Mercado Municipal de Abastos, que se regulará pola presente ordenanza, redactada conforme ó disposto nos artigos 20 a 27 do TRLRFL.

ARTIGO 2º.—FEITO IMPOÑIBLE

O feito imponible desta taxa o conforma a conxunción de dous conceptos, a utilización privativa do dominio público, consistente na ocupación do posto, e a prestación do servizo de mercado municipal, consistente na realización de actividades por parte do Concello conducentes ao bo funcionamento do mesmo.

Esta utilización soamente a poderán levar a cabo os que obtiveran do Concello a concesión ou adxudicación dun posto.

ARTIGO 3º.—SUXEITO PASIVO

Son suxeitos pasivos desta taxa, as persoas físicas ou xurídicas, así como as comunidades de bens, herdanzas xacentes e demais entidades ás que se refire o artigo 35.4 da Lei xeral tributaria que ocupen e se beneficien dos servizos ou actividades prestadas ou realizadas polo Concello a que se refire o artigo anterior, é dicir, os concesionarios de autorizacións para ocupar postos no mercado de abastos.

ARTIGO 4º.—RESPONSABEIS

1.—Responderán solidariamente das obrigas tributarias do suxeito pasivo as persoas físicas e xurídicas ás que se refire o art. 42 da Lei xeral tributaria.

2.—Serán responsables subsidiarios os administradores das sociedades e os síndicos, interventores ou liquidadores de quebras, concursos, sociedades e entidades en xeral, nos supostos e co alcance que sinala o artigo 43 da Lei xeral tributaria.

ARTIGO 5º.—COTA TRIBUTARIA

A cota tributaria será a fixada na seguinte tarifa:

a) Pola adxudicación do posto, a cantidade que se houbera ofertado na licitación tendo esta os seguintes topes mínimos, que se satisfarán dunha sola vez:

Posto 1.....	163,40€
Posto 2.....	163,21€
Posto 3.....	154,07€
Posto 4.....	163,18€
Posto 5.....	163,18€

b) Pola ocupación de bens e servizos, satisfaranse as seguintes cantidades anuais:

	<u>Ao ano</u>
Posto 1.....	207,20 €
Posto 2.....	205,13 €
Posto 3.....	101,53 €
Posto 4.....	204,68 €
Posto 5.....	204,68 €

ARTIGO 6º.—EXENCIÓNS E BONIFICACIÓNS

De conformidade co disposto no artigo 9.1 do TRLRFL, non se recoñecen outros beneficios fiscais que os expresamente previstos nas normas con rango de lei ou os derivados da aplicación dos tratados internacionais.

ARTIGO 7º.—DEVENGO

Devéngase a taxa e nace a obrigaón de contribuír:

- a) A cota por adxudicación de postos devéngase unha sola vez, non sendo por tanto periódica. Mediante o seu pago o adxudicatario tendrá dereito ao disfrute do posto polo tempo de vixencia da concesión, estando obrigado ao destino do posto para o servizo público a que está afecto e ao pago das cotas fixas anuais pola utilización dos postos e servizos.

Non devengarán a cota por adxudicación de postos as cesións intervivos a favor de familiares ata o terceiro grado, ou mortis causa previstas no artigo 5 apartados 7 e 8 do Regulamento Regulador do Mercado de Abastos do Rosal,

- b) Tratándose das cotas anuais previstas no apartado b) do artigo 5 da presente Ordenanza, o 1 de xaneiro de cada ano, salvo no ano correspondente á adxudicación que devengarase no momento da concesión. Neste caso prorratearase a cota polo tempo que teña lugar o disfrute dentro de ese ano.

ARTIGO 8.—XESTIÓN

1.—As persoas ou entidades interesadas na concesión do aproveitamento regulado nesta Ordenanza deberán solicitar previamente a correspondente autorización indicando o número de posto interesado e a actividade a desenrolar.

Os postos adxudicaranse por 15 anos, salvo as adxudicacións posteriores que se realicen por motivo de baixa, en cuxo caso a adxudicación realizarase polo tempo que reste ata completar os 15 anos contados dende a primeira adxudicación do posto.

2.—As autorizacións concedidas liquidaranse dende a data da autorización ata a finalización do exercicio económico, incorporándose posteriormente ao Padrón que deberá confeccionarse sobre todas as ocupacións.

3.—As cantidades esixidas con arranxo ás tarifas liquidaranse por cada aproveitamento solicitado ou realizado e serán irreducibles polo período autorizado.

4.—Unha vez concedida a licenza, e con carácter previo ao inicio da actividade, o titular do aproveitamento deberá acreditar ante o Concello que o saneamento, o contador de auga, e o contador de fluído eléctrico están ao seu nome, debendo dispoñer ademais cada posto de acumulador propio.

A existencia de contadores e acumulador no posto é requisito imprescindible para poder iniciar o exercicio da actividade.

5.—A limpeza dos postos da praza de abastos así como as instalacións comúns, incluídos os aseos, deberá levarse a cabo polos titulares dos postos, debendo conservalas en adecuadas condicións de hixiene.

6.—A presentación de baixa surtirá efecto a partires do ano posterior á autorización da baixa. A presentación da baixa antes de transcorrer 15 anos da licenza non dará dereito a devolución ni prorrateo da cota por adxudicación.

7.—As baixas que se produzan nos postos reverterán ao Concello, que cando o estime procedente o fará público e o adxudicará de novo entre as solicitudes recibidas. Si este período de nova adxudicación non abarcara 15 anos completos, a cota por adxudicación a pagar será proporcional ao número de anos que resten ata completar o prazo inicial de 15 anos.

8.—De conformidade co previsto no artigo 24.5 do Real Decreto Lexislativo 2/2004, de 5 de marzo, polo que se aproba o Texto Refundido da Lei Reguladora de Facendas Locais, cando o aproveitamento leve aparelhada a destrución ou deterioro do dominio público local, o beneficiario, sen prexuízo do pago da taxa a que houbera lugar, está obrigado ao reintegro do custe total dos respectivos gastos de reconstrución ou reparación e ao depósito previo do seu importe, segundo informe dos Servizos Técnicos Municipais, sen cuxa constitución non será outorgada licenza.

*ARTIGO 9.—DECLARACIÓN E INGRESO*

O pago da taxa realizarase:

- a) Tratándose de concesións de novos postos, por ingreso directo na Tesourería municipal no momento no que se notifique a correspondente licenza e nos prazos establecidos no artigo 62.2 da Lei Xeral Tributaria, Lei 58/2003, de 17 de decembro.
- b) Tratándose de aproveitamentos xa autorizados, unha vez incluídos nos padróns ou matriculas, por ingreso na Tesourería municipal, nos prazos establecidos no edito de exposición ao público.

ARTIGO 10.—INFRACCIÓN E SANCIONS

No tocante a cualificación das infraccións tributarias e as súas correspondentes sancións, estarase ao disposto no Regulamento Regulador do Mercado de Abastos do Rosal, aos artigos 183 e seguintes da Lei xeral tributaria e demais normativa aplicable que a desenvolve.

DISPOSICIÓN FINAL

A presente modificación da Ordenanza, aprobouse polo Pleno en sesión de data 13 de xullo de 2013, e, unha vez publicada integramente no Boletín Oficial da Provincia, entrará en vigor ao día seguinte da súa publicación, permanecendo vixente en tanto non se acorde a súa modificación ou derogación.

DISPOSICIÓN DERROGATORIA

A presente Ordenanza fiscal derroga a actual Ordenanza reguladora da “Taxa por servizos de matadoiros, lonxas e mercados, así como a carrega de carnes, se houbera de empregarse dun xeito obrigatorio, e servizos de inspección en materia de abastos, incluída a utilización de medios de pesar e medir.

O Rosal, a 9 de setembro de 2013. — O Alcalde, Jesús María Fernández Portela.

2013008088